

ხელშეკრულების მნიშვნელოვანი პირობები

საბანკო კრედიტის ხელშეკრულება # _____, [წელი] წლის [რიცხვი, თვე]

კრედიტის საპროცენტო განაკვეთი	
კრედიტის საპროცენტო განაკვეთის ტიპი:	ფიქსირებული
კრედიტის წლიური საპროცენტო განაკვეთი:	წლიური [პროცენტი ციფრებით] %
კრედიტის ეფექტური საპროცენტო განაკვეთი:	კრედიტის ეფექტური საპროცენტო განაკვეთი ითვლება დაშვებით, რომ ხელშეკრულების დადების დროს მოქმედი საპროცენტო განაკვეთი უცვლელია ხელშეკრულების მოქმედების განმავლობაში
კრედიტის ფინანსური ხარჯები	
ყოველთვიური შენატანის ოდენობა:	[მითითოს თანხა ციფრობრივად და ვალუტა] ან თანდართული გრაფიკის შესაბამისად
ვადის ბოლოს შენატანი:	[მითითოს ციფრები და ვალუტა]
ანგარიშიდან თანხის განაღდებას საკომისიო:	[მითითოს ციფრები და ვალუტა]
სხვა სახელშეკრულებო ინფორმაცია	
კრედიტის მთლიანი თანხის ოდენობა:	[მითითოს ციფრები და ვალუტა]
კლიენტის მიერ გადასახდელი მთლიანი თანხის ოდენობა:	[მითითოს ციფრები და ვალუტა]
კრედიტის მოქმედების ვადა:	[მითითოს კონკრეტული თარიღი]
საბანკო კრედიტის ხელშეკრულების მოქმედების ვადა:	[მითითოს კონკრეტული თარიღი], მაგრამ ყველა შემთხვევაში, სანამ სრულად არ იქნება შესრულებული კლიენტის ვალდებულებები.
კრედიტის ვადაზე ადრე დაფარვის პირგასამტეხლო:	0%

ბანკი უფლებამოსილია ცალმხრივად შეცვალოს ხელშეკრულების პირობები. ხელშეკრულების მნიშვნელოვანი პირობების ცვლილების შემთხვევაში, კლიენტის ინფორმირება მოხდება ცვლილებამდე არანაკლებ 2 (ორი) თვით ადრე, ხოლო სხვა საფინანსო პროდუქტის ფასის ზრდის შემთხვევაში - არანაკლებ 1 (ერთი) თვით ადრე წერილობით/ელექტრონული ფოსტით/ინტერნეტ-ბანკით/მოკლე ტექსტური შეტყობინებით. შეტყობინების აღნიშნული ვადები არ მოქმედებს თუ ცვლილება: (ა) ხორციელდება კლიენტის სასარგებლოდ; ან (ბ) არ იწვევს ხელშეკრულების მნიშვნელოვანი პირობების ცვლილებას ან/და სხვა საფინანსო პროდუქტის ფასის გაზრდას.

უცხოური ვალუტით აღებული სესხი მომხმარებელს მნიშვნელოვანი რისკის წინაშე აყენებს! ვალუტის კურსის ცვლილებამ შესაძლოა ლარით გამოხატული შენატანები მნიშვნელოვნად გაზარდოს. უცხოური ვალუტით გაცემული კრედიტის შემთხვევაში ლარის შესაძლო 15%-იანი წლიური გაუფასურების შემთხვევაში არსებული კრედიტის ეფექტური საპროცენტო განაკვეთი შეადგენს _____ %-ს.

ვალდებულების შეუსრულებლობის შემთხვევაში, ამ კრედიტთან დაკავშირებული სასესხო მოთხოვნა დაკმაყოფილებულად ჩაითვლება მხოლოდ წინამდებარე კრედიტის უზრუნველყოფის საშუალებ(ებ)ის მიმართ საქართველოს კანონმდებლობით გათვალისწინებული შესაბამისი ღონისძიებების (მათ შორის, ქონების რეალიზაციის ან/და დასაკუთრების გზით) განხორციელებით.

კლიენტს უფლება აქვს წარადგინოს პრეტენზია ბანკის პრეტენზიების სამსახურში ზეპირი, წერილობითი, სტანდარტული წერილობითი ან/და ელექტრონული ფორმით. ასევე, დისტანციური მომსახურების ცენტრში, სატელეფონო ზარის საშუალებით: 032 2 55 55 00

კლიენტის ხელმოწერა/ -----

გაეცანით მომხმარებელთათვის სასარგებლო ინფორმაციას საქართველოს ეროვნული ბანკის ვებ-გვერდსა - www.nbg.gov.ge/cp და ცხელ ხაზზე - 032 2 406 406

საბანკო კრედიტის ხელშეკრულება #
(ანაბრით უზრუნველყოფილი სესხი)

, საქართველო,

[წელი] წლის [რიცხვი, თვე]

1. ხელშეკრულების მხარეებს წარმოადგენენ:

წინამდებარე ხელშეკრულების (შემდგომში - ხელშეკრულება) მხარეებს წარმოადგენენ: სს „ლიბერთი ბანკი“ (ს.ნ. 203828304, იურიდიული/საკორესპონდენტო მისამართი: ქ. თბილისი, ჭავჭავაძის გამზ. №74; ტელეფონი: 032 2 55 55 00, ელ-ფოსტა: info@libertybank.ge) (შემდგომში - ბანკი) და კლიენტის სახელი და გვარი (პ.ნ. , მისამართი: , ტელეფონი: , ელ-ფოსტა:) (შემდგომში - კლიენტი).

2. ხელშეკრულების საგანი

2.1 წინამდებარე საბანკო კრედიტის ხელშეკრულების საფუძველზე და მისი პირობების შესაბამისად, ბანკი უფლებამოსილია (და არა ვალდებული) კლიენტის მოთხოვნისას გასცეს კრედიტი, ხოლო კლიენტი იღებს ვალდებულებას სრულად დაფაროს ათვისებული კრედიტის თანხა, გადაიხადოს კრედიტთან დაკავშირებული გადასახდელი და სრულად და ჯეროვნად შეასრულოს ხელშეკრულებით გათვალისწინებული სხვა ვალდებულებები.

2.2 კრედიტის ძირითადი პირობები შემდეგია:

2.2.1. კრედიტის მოცულობა და ვალუტა:	თანხა ციფრობრივად ([თანხა სიტყვიერად]) ვალუტა
2.2.2. კრედიტის მიზნობრიობა:	სამომხმარებლო
2.2.3. კრედიტის მოქმედების ვადა:	[მიეთითოს კონკრეტული თარიღი]
2.2.4. საბანკო კრედიტის ხელშეკრულების მოქმედების ვადა:	[მიეთითოს კონკრეტული თარიღი], მაგრამ ყველა შემთხვევაში, სანამ სრულად არ იქნება შესრულებული კლიენტის ვალდებულებები.
2.2.5. კრედიტის ათვისების ვადა (პერიოდი რომლის განმავლობაშიც კლიენტმა შეიძლება ისარგებლოს კრედიტით ხელშეკრულებაში მოცემული პირობებით):	[მიეთითოს კონკრეტული თარიღი] თუ ბანკი სხვაგვარად არ გადაწყვეტს.
2.2.6. საპროცენტო განაკვეთის ტიპი:	ფიქსირებული საპროცენტო განაკვეთი
2.2.7. კრედიტის წლიური საპროცენტო განაკვეთი:	[პროცენტი ციფრებით] ([პროცენტი სიტყვიერად])
2.2.8. კრედიტის თანხის გაცემის წესი:	კრედიტის თანხა ან მისი ნებისმიერი ნაწილი გაიცემა ბანკში გახსნილ კლიენტის მიმდინარე ანგარიშზე თანხის ჩარიცხვის გზით.
2.2.9. კრედიტის თანხის, პროცენტის დაფარვის წესი:	თანდართული გრაფიკის შესაბამისად. ამასთან, გრაფიკში მოცემული მონაცემები მოქმედი იქნება ათვისებული თანხის, დაფარვის ვადების, საპროცენტო განაკვეთის ცვლილების შესაბამისად. კრედიტის ყოველი ტრანშის გაცემის, საპროცენტო განაკვეთის ცვლილების, კრედიტის ვადაზე ადრე ნაწილობრივ დაფარვის ყოველი შემთხვევის დადგომისას ან/და ნებისმიერი ისეთი გარემოების დადგომისას რაც იწვევს მოქმედი გრაფიკის მონაცემების ცვლილებას, ბანკი შეადგენს განახლებულ გრაფიკს ხელშეკრულების პირობების შესაბამისად. კლიენტისთვის განახლებული გრაფიკი ხელმისაწვდომი იქნება ბანკის ფილიალებში/სერვისცენტრებში.
2.2.10. კლიენტის მიერ გადასახდელი მთლიანი თანხის ოდენობა:	[მიეთითოს თანხა ციფრობრივად და ვალუტა ან პროცენტი] მთლიანი გადასახდელი თანხის ოდენობა შეიცვლება ათვისებული თანხის, დაფარვის ვადების, საპროცენტო განაკვეთის ცვლილების შესაბამისად.
2.2.11. პაკეტის მომსახურების საკომისიო:	[მიეთითოს თანხა ციფრობრივად და ვალუტა ან პროცენტი] კლიენტი ვალდებულია გადაიხადოს პაკეტის მომსახურების ყოველთვიური საკომისიო, ყოველი თვის ბოლო რიცხში.
2.2.12. კრედიტის თანხის ვადაზე ადრე დაფარვის პირგასამტეხლო:	0%
2.2.13. ფინანსური ხარჯები და ეფექტური საპროცენტო განაკვეთი:	

(i)	ყოველთვიურად გადასახდელი (შენატანის) ოდენობა:	თანხის [მიეთითოს თანხა ციფრობრივად და ვალუტა] შენატანები შეიცვლება ათვისებული თანხის, დაფარვის ვადების, საპროცენტო განაკვეთის ცვლილების შესაბამისად.
(ii)	ვადის ბოლოს შენატანი:	[მიეთითოს თანხა ციფრობრივად და ვალუტა] შენატანი შეიცვლება ათვისებული თანხის, დაფარვის ვადების, საპროცენტო განაკვეთის ცვლილების შესაბამისად.
(iii)	ეფექტური საპროცენტო განაკვეთი:	[მიეთითოს ციფრობრივად და პროცენტი]
(iv)	ხელშეკრულების 2.2.1. ქვეპუნქტში მითითებული კრედიტის თანხიდან ფინანსური ხარჯების გამოკლებით დარჩენილი თანხა:	თანხა ციფრობრივად ([თანხა სიტყვიერად]) ვალუტა)
2.2.14.	უზრუნველყოფის ჩამონათვალი:	ხელშეკრულებიდან გამომდინარე კლიენტის ვალდებულებების შესრულება უზრუნველყოფილია ფულადი სახსრებით და მასთან დაკავშირებული მოთხოვნის უფლებებით

3 მხარეთა უფლებები და მოვალეობები

3.1 **დაფარვის პრიორიტეტი და რიგითობა.** კრედიტის და მასთან დაკავშირებული გადასახდელების დაფარვის თანმიმდევრობა შემდეგია: პირველ რიგში იფარება ხარჯები (მათ შორის საარბიტრაჟო, სასამართლო დავასთან, სააღსრულებო წარმოებასთან დაკავშირებული ხარჯები, ზიანის ანაზღაურების თანხები და სხვა), შემდგომ **პირგასამტეხლო, საკომისიო** თანხები, შემდეგ **საპროცენტო სარგებელი** და ბოლოს **კრედიტის თანხა**. ამასთან, აღნიშნული რიგითობა შეიძლება შეიცვალოს **ბანკის** შეხედულებისამებრ, **კლიენტის** წინასწარი თანხმობის გარეშე.

3.2 **ბანკის** წინაშე **კლიენტის** ერთდროულად ერთზე მეტი ვადამოსული ფულადი ვალდებულების არსებობის შემთხვევაში, როდესაც **კლიენტის ანგარიშზე** განთავსებული თანხა არ არის საკმარისი ერთზე მეტი ვადამოსული (მათ შორის ვადაგადაცილებული) ვალდებულების სრულად შესასრულებლად, ყოველ ჯერზე, ასეთი გარემოების დადგომის დღეს (და არა წინასწარ), სამუშაო დღეებში 17:30 სთ-მდე, ხოლო შაბათს 13:30 სთ-მდე, **კლიენტს** უფლება აქვს, **ბანკის** მიერ განსაზღვრული წესით, **ბანკის** ფილიალისთვის, სერვის ცენტრითვის მიმართვის გზით, ასევე **ბანკის** ინტერნეტ ბანკის, სატელეფონო ცენტრის საშუალებით (ხოლო ინდივიდუალური მეწარმის, იურიდიული პირის და სხვა ორგანიზაციული წარმონაქმნის შემთხვევაში დასაშვებია მხოლოდ **ბანკის** ფილიალისთვის, სერვის ცენტრითვის მიმართვა და არჩევანის დაფიქსირება) აირჩიოს ვალდებულებების შესრულების (საკრედიტო პროდუქტების დაფარვის) რიგითობა. თუ აღნიშნულ ვადაში და წესით **კლიენტი** არ ისარგებლებს მისთვის მიწვეული ზემოაღნიშნული უფლებით, **კლიენტის** ფულადი ვალდებულებების დაფარვა განხორციელდება შემდეგი თანმიმდევრობით: (I) საკრედიტო ბარათ(ებ)ი, ოვერდრაფტ(ებ)ი, არაუზრუნველყოფილი კრედიტ(ებ)ი; (II) მხოლოდ გირავნობით (გარდა ფულადი სახსრების/დეპოზიტის) უზრუნველყოფილი კრედიტ(ებ)ი; (III) მხოლოდ თავდებობით ან/და საბანკო გარანტიით უზრუნველყოფილი კრედიტ(ებ)ი; (IV) უძრავი ქონებით უზრუნველყოფილი კრედიტ(ებ)ი; (V) ფულადი სახსრებით/დეპოზიტით უზრუნველყოფილი კრედიტ(ებ)ი; (VI) სხვა სახის კრედიტ(ებ)ი. მიუხედავად ზემოაღნიშნულისა, **ბანკი** უფლებამოსილია თავად განსაზღვროს **კლიენტის** ფულადი ვალდებულებათა შესრულების რიგითობა.

3.3 **კლიენტი** აცხადებს თანხმობას **ბანკის** სრულ უფლებამოსილებაზე, წინამდებარე **ხელშეკრულებიდან** გამომდინარე **კლიენტის** ნებისმიერი ფულადი ვალდებულების შესრულების მიზნით **ბანკმა** დააკავოს თანხები **კრედიტის (ოვერდრაფტის) თანხიდან** ან/და ჩამოწეროს **კლიენტის** ნებისმიერი **ანგარიშიდან**, მათ შორის სადეპოზიტო **ანგარიშიდან**, (თუ გადასახდელი და **ანგარიშზე** რიცხული თანხა სხვადასხვა ვალუტაშია, **ბანკმა** თავად განახორციელოს კონვერტაცია გადახდის მომენტისთვის **ბანკში** მოქმედი კომერციული კურსით, ხოლო კონვერტაციის მომსახურების ღირებულება ასევე უაქცეპტოდ ჩამოწეროს **კლიენტის ანგარიშიდან**) და დაფაროს ფულადი ვალდებულებები. ამასთან, იმ შემთხვევაში თუ **კრედიტის თანხა** სრულად ათვისებულია **კლიენტის** მიერ ან/და არ არის საკმარისი პრემიის დასაფარად, **ბანკი** უფლებამოსილია გადასახდელი პრემია დაფაროს **კრედიტის** მოცულობის ცალმხრივად გაზრდის ან **ანგარიშზე ოვერდრაფტის** დაშვების ხარჯზე.

3.4 **მხარეები** ერთმნიშვნელოვნად თანხმდებიან, **კრედიტის** სრულად დასაფარად საკმარისი **კლიენტის** ფულადი სახსრების **ბანკში** არსებობის ან/ განთავსების შემთხვევაში არ მოხდება **კრედიტის** წინსწრებით (ვადაზე ადრე) ავტომატურად დაფარვა და **კლიენტის** იცინიატივით **კრედიტის** სრულად ან ნაწილობრივ ვადაზე ადრე დაფარვა შესაძლებელია განხორციელდეს **ხელშეკრულებით** გათვალისწინებული პირობების შესაბამისად **კლიენტის** მიერ **ბანკისთვის** მიმართვის საფუძველზე.

3.5 **პროცენტის და პირგასამტეხლოს დარიცხვის გაგრძელება.** **კლიენტი** აცხადებს თანხმობას, **ბანკის** სრულ უფლებამოსილებაზე, **ხელშეკრულების** შეწყვეტის (როგორც ვადამდე, ისე **ხელშეკრულების** ვადის გასვლის გამო) შემთხვევაში ან/და უზრუნველყოფის საგნის **ბანკისთვის** გადაცემის (ნებაყოფლობით ან გადახდევინების მიქცევის გზით) მიუხედავად, უზრუნველყოფის საგნის გასხვისებასა და ფულადი ვალდებულებების სრულად დაფარვამდე, გაგრძელდეს/ შენარჩუნდეს **პროცენტის** და **პირგასამტეხლოს** დარიცხვა დავალიანების სრულ ოდენობაზე **ხელშეკრულებით** განსაზღვრული პირობების შესაბამისად.

3.6 **გადახდევინების მიქცევისას ქონების არჩევითობა.** **ბანკის** უფლებამოსილია საკუთარი არჩევანით მოითხოვოს ვალდებულებების დაფარვა **კლიენტის** ნებისმიერი ქონებ(ებ)იდან იმგვარად, რომ თავდაპირველად მოთხოვნის წარდგენა არ მოხდეს **უზრუნველყოფის საშუალების** საგნ(ებ)ის. ასეთი ქმედება არ უნდა ჩაითვალოს **ბანკის** მხრიდან

უზრუნველყოფის საგანზე უარის თქმად და **ბანკს** უნარჩუნდება უფლება, ნებისმიერ დროს წარადგინოს მოთხოვნა, დაიწყოს გადახდევინების მიქცევა უზრუნველყოფის საგანზე.

3.7 გადახდევინების მიქცევისას **კლიენტის** რამდენიმე ვადამოსული დავალიანების არსებობისას, **ბანკი** უფლებამოსილია, საკუთარი შეხედულებისამებრ, განსაზღვროს ვადამოსული დავალიანების გადასახდელის რიგითობა და თანმიმდევრობა.

3.8 თუ უზრუნველყოფის საგნ(ებ)ის საკუთრებაში მიღების მომენტისთვის უზრუნველყოფის საგნ(ებ)ის ღირებულება ან/და უზრუნველყოფის საგნ(ებ)ის რეალიზაციიდან ან/და გასხვებისგან მიღებული თანხა საკმარისი არ არის **ხელშეკრულებით** გათვალისწინებული ვალდებულებების სრულად დასაფარად (მათ შორის, **კრედიტის** ან/და **კრედიტთან დაკავშირებული გადასახდელის** თანხების გადახდისთვის) **კლიენტი** დარჩება პასუხისმგებელი დარჩენილი ფულადი ვალდებულებების გადახდაზე თუ ეს არ იქნება **კანონმდებლობით** პირადპირ აკრძალული;

3.9 **საკრედიტო საინფორმაციო ბიუროს** კლიენტისათვის ცნობილია, რომ **ბანკი კანონმდებლობით** განსაზღვრული და **ხელშეკრულებით** მინიჭებული უფლებამოსილების ფარგლებში შეაგროვებს/დაამუშავებს **კლიენტის** შესახებ ყველა იმ საკრედიტო/არასაკრედიტო და სხვა რელევანტურ ინფორმაციას, რომელიც დაკავშირებულია საკრედიტო საინფორმაციო ბიუროსათვის (შემდგომში - **ბიურო**) ინფორმაციის მიწოდებასთან და ინფორმაციის მიღებასთან **კანონმდებლობით** გათვალისწინებული წესითა და პირობებით. წინამდებარე ინფორმაცია მუშავდება **კლიენტის** გადამხდელუნარიანობის ანალიზის მიზნისათვის და ხელმისაწვდომი იქნება **ბიუროში** ჩართული მომხმარებლებისათვის **კანონმდებლობით** დადგენილი წესით (სესხის გამცემი ორგანიზაციები და ინფორმაციის მიმღები/მიმწოდებელი პირები).

3.10 **კლიენტს** გაცნობიერებული აქვს **კანონმდებლობით** გათვალისწინებული უფლებები, რომ **კლიენტის** (მათ შორის, მონაცემთა სუბიექტის) მოთხოვნის შემთხვევაში, მონაცემთა დამამუშავებელი ვალდებულია გაასწოროს, განაახლოს, დაამატოს, დაბლოკოს, წაშალოს ან გაანადგუროს მონაცემები, თუ ისინი არასრულია, არაზუსტია, არ არის განახლებული, ან თუ მათი შეგროვება და დამუშავება განხორციელდა კანონის საწინააღმდეგოდ.

3.11 **ხელშეკრულების ცალმხრივად შეწყვეტა**. **ბანკი** უფლებამოსილია შეწყვიტოს წინამდებარე **ხელშეკრულება** ან/და მოთხოვოს **კლიენტს კრედიტის** თანხის (სრულად ან ნაწილობრივ), მასთან **დაკავშირებული გადასახდელის**, ვადაზე ადრე, დაუყოვნებლივ დაფარვა **კანონმდებლობით** ან/და **სტანდარტული პირობებით** გათვალისწინებულ შემთხვევებში.

3.12 **კრედიტთან დაკავშირებული მნიშვნელოვანი რისკები**. **კლიენტისთვის** ცნობილია, რომ: (ა) **კლიენტის** მიერ **ხელშეკრულებით** გათვალისწინებული ფულადი ვალდებულებ(ებ)ის შეუსრულებლობის შემთხვევაში, მათ შორის კრედიტის ძირითადი თანხის დაუბრუნებლობის შემთხვევაში **ბანკმა** შესაძლოა მიაქციოს გადახდევინება **კლიენტის**, პირ(ებ)ის ქონებაზე, ასევე უზრუნველყოფის საშუალებებზე, მათ შორის **ბანკმა** მიმართოს ისეთ ღონისძიებებს, როგორცაა (ა.ა) **კლიენტის** ნებისმიერი ქონების (მათ შორის, ანგარიშების, ფულადი სახსრების) ასევე უზრუნველყოფის საშუალებების დაყადაღება, შეზღუდვების, აკრძალვების, უფლებრივი ტვირთის გავრცელება; ან/და (ა.ბ) **კლიენტის**, საბანკო ანგარიშებიდან (მათ შორის სადეპოზიტო ანგარიშებიდან) ან/და სხვა ანგარიშებიდან ფულადი სახსრების უაქცეპტო წესით ჩამოწერა; (ა.გ) **კლიენტის** მიმართ გადახდისუნარიანობის საქმის წარმოების დაწყების მოთხოვნა. (ა.დ) მოითხოვოს **კლიენტის** ქონების იძულებითი მართვა (სეკვესტრი).

3.13 **ხელშეკრულების პირობების ცალმხრივი ცვლილება**. **ბანკი** უფლებამოსილია ცალმხრივად შეცვალოს **ხელშეკრულების** პირობები. **ხელშეკრულების** მნიშვნელოვანი პირობების ცვლილების შემთხვევაში, **კლიენტის** ინფორმირება მოხდება ცვლილებამდე არანაკლებ 2 (ორი) თვით ადრე, ხოლო სხვა საფინანსო პროდუქტის ფასის ზრდის შემთხვევაში - არანაკლებ 1 (ერთი) თვით ადრე წერილობით/ელექტრონული ფოსტით/ინტერნეტ-ბანკით/მოკლე ტექსტური შეტყობინებით. შეტყობინების ვადების აღნიშნული მოთხოვნები არ ვრცელდება თუ **ხელშეკრულების** ცვლილება: (ა) ხორციელდება **კლიენტის** სასარგებლოდ, რაზედაც **მხარეები** თანხმდებიან, რომ **ბანკი** თავისუფლდება ასეთი ცვლილებების შესახებ შეტყობინების ვალდებულებისგან; ან (ბ) არ იწვევს **ხელშეკრულების** მნიშვნელოვანი პირობების ცვლილებას ან/და სხვა საფინანსო პროდუქტის ფასის გაზრდას;

3.14 **კლიენტი** ანიჭებს **ბანკს** უფლებამოსილებას მიაწოდოს **ხელშეკრულების** პირობების ცვლილებების, ასევე სხვა საფინანსო პროდუქტის ფასის ზრდის შესახებ ინფორმაცია **დაკავშირებული ხელშეკრულების** მხარეებს (მათ შორის **უზრუნველყოფის საშუალების** მესაკუთრეებს, თავდებ პირებს, გარანტორებს და სხვა), ასევე **ხელშეკრულების** სხვა სოლიდარულ მოვალეებს (თანამსესხებლებს).

3.15 **დაკავშირებული ხელშეკრულების მხარისთვის ინფორმაციის მიწოდება**. **კლიენტი** გამოხატავს თანხმობას, **ბანკმა** საკუთარი შეხედულებისამებრ გადასცეს **ხელშეკრულების** ნებისმიერ **კლიენტს** (თუ რამდენიმე **კლიენტია**), ასევე **დაკავშირებული ხელშეკრულების** მხარეს (გირავნობის და ა.შ ხელშეკრულების მხარეს): (ა) **ხელშეკრულება**, (ბ) **ხელშეკრულებასთან** დაკავშირებული დოკუმენტაცია, (გ) **გარემოებების** შესახებ ინფორმაცია, რაც **ბანკის** შეხედულებით შეიძლება გახდეს **ხელშეკრულების** შეწყვეტის საფუძველი, (გ) **ხელშეკრულებიდან** გამომდინარე ნებისმიერი ვალდებულების და ასევე შესრულებული ფულადი ვალდებულებების შესახებ ინფორმაცია (მათ შორის **ანგარიშიდან** მიღებული ამონაწერის სახით). გაუგებრობის გამოსარიცხად, წინამდებარე პუნქტში აღნიშნული პირობა არ ზღუდავს **ბანკს** დაამუშაოს **კონფიდენციალური ინფორმაცია** (მათ შორის პერსონალური ინფორმაცია) და ისარგებლოს იმ უფლებებით, რაც განსაზღვრულია **სტანდარტული პირობებით**.

4 ხელშეკრულების მოქმედების ფარგლები

4.1 **მხარეთა** მიერ წინამდებარე **საბანკო კრედიტის ხელშეკრულებაზე** თანხმობის გამოხატვით (მათ შორის **ბანკის** მიერ განსაზღვრული დისტანციური არხების, ინტერნეტ ბანკინგის/მოზაილ ბანკინგის ან სხვა არხების საშუალებით) ასეთ თანხმობას ექნება მატერიალურ დოკუმენტზე ხელმოწერის ტოლფასი იურიდიული ძალა და შესაბამისად დადებულია ითვლება და ძალაში შედის **ხელშეკრულება**, რომელიც შედგება შემდეგი დოკუმენტებისაგან: (ა) **განაცხადი** (ასეთის არსებობის შემთხვევაში); (ბ) წინამდებარე **საბანკო კრედიტის ხელშეკრულება**; (გ) **საბანკო კრედიტის ხელშეკრულების** სტანდარტული პირობები (შემდგომში - **სტანდარტული პირობები**), რომელიც წარმოადგენს **საბანკო კრედიტის ხელშეკრულების დანართს** და განთავსებულია **ბანკის** ვებ-გვერდზე <https://libertybank.ge/ka/agreements/kreditis-khelshekrulebis-standartuli-pirobebi>; და (დ) ნებისმიერი ცვლილებები ან/და დამატებები, რომელიც დაიდო ან მომავალში დაიდება **მხარეთა** შორის **კრედიტის** მოქმედების ფარგლებში.

- 4.2 კლიენტისთვის ცნობილია და ეთანხმება, რომ წინამდებარე ხელშეკრულების შესაბამისად კრედიტის გაცემის აუცილებელ წინაპირობას წარმოადგენს კლიენტის მიერ ბანკში ანგარიშის ფლობა.
- 4.3 თუ თავად საბანკო კრედიტის ხელშეკრულებით სხვა რამ არ არის განსაზღვრული, მასზე სრულად ვრცელდება სტანდარტული პირობების მუხლ(ებ)ის, პუნქტ(ებ)ის ან/და ქვეპუნქტ(ებ)ის მოქმედება, მათ შორის და არამარტო ტერმინთა განმარტებები, კლიენტის განცხადებები და გარანტიები, კრედიტის თანხით სარგებლობის, მხარეთა პასუხისმგებლობის, მხარეთა კომუნიკაციის პირობები და სხვა. ამასთან, საბანკო კრედიტის ხელშეკრულების პირობებსა და სტანდარტულ პირობების ტექსტს შორის წინააღმდეგობის არსებობისას უპირატესობა მიენიჭება საბანკო კრედიტის ხელშეკრულების პირობებს.
- 4.4 წინამდებარე ხელშეკრულება შედგენილია ქართულ ენაზე. მხარეთა შეთანხმებით ხელშეკრულება დამატებით შესაძლოა დაიდოს სხვა ენაზეც. ამ შემთხვევაში ხელშეკრულების ქართულ ენაზე შედგენილ ეგზემპლარს უპირატესობა მიენიჭება ხელშეკრულების სხვა ენაზე შედგენილ ეგზემპლარებთან მიმართებაში. ამასთან, კლიენტისთვის სახელშეკრულებო პირობებისა და ინფორმაციის მიწოდება, ასევე კლიენტთან კომუნიკაცია ხელშეკრულების მოქმედების პერიოდში განხორციელდება ქართულ ან ინგლისურ ან რუსულ ენაზე.
- 4.5 წინამდებარე საბანკო კრედიტის ხელშეკრულებიდან გამომდინარე ბანკის მოთხოვნების მესამე პირისთვის დათმობის (გასხვისების) შემთხვევაში, ბანკი აცნობებს კლიენტს წერილობით ან ელექტრონული ფოსტით ან ინტერნეტ ბანკით ან მობაილ ბანკით ან მოკლე ტექსტური შეტყობინებით გაგზავნილი შეტყობინების გზით არაუგვიანეს 5 (ხუთი) საბანკო დღის ვადაში.
- 4.6 წინამდებარე ხელშეკრულება რეგულირდება და განიმარტება საქართველოს კანონმდებლობის შესაბამისად. მხარეები თანხმდებიან, რომ საქართველოს სამოქალაქო საპროცესო კოდექსის 268-ე მუხლის 1¹ ნაწილის საფუძველზე, დავასთან დაკავშირებით პირველი ინსტანციის სასამართლოს მიერ ბანკის სასარგებლოდ მიღებული გადაწყვეტილება მიქცეული იქნება დაუყოვნებლივ აღსასრულებლად.
- 4.7 ბანკის საზედამხედველო ორგანოს წარმოადგენს საქართველოს ეროვნული ბანკი, რომლის მისამართია: 0114 თბილისი, საქართველო, სანაპიროს ქუჩა № 2.

ბანკი	კლიენტი
-----	-----